

وداعا للحنين !

سهر والليل يستنزف عروق الذكريات شعور

تعب يشعل تباريح الحنين ويرفض اخمادي

ظلام ما يبشر بالسبات ولا ينزب نور

وأنا اللي ما معي غير القصيد وهاجسي حادي

وأنا مابين تيه الذكريات وهمي المقبور

أدور في ركाम الأمس عن تاريخ ميلادي

ي حادي هاجسي بين الغياب ورغبة الجمهور

أنا مدري من المجني عليه ومنهو البادي

هقيت إني ملكتك ما هقيت إن الأمانى بور

وتلحفت الحنين ولا قويت أقوى على جهادي

أحبك أكثر ما شعري على طرق الحزن مجبور

وأحبك أكثر ما داعب خيالك لذة سهادي

عطيتيني من غيابك مكان الشاعر المشهور

وأنا اعطيتك من أغلى ما ملكت بدورثة أجدادي

لك الله من تركتيني هذاك المحل الممطور

أمر بساحة اهل الشعر مثل الضايغ / الغادي

تهجيت الوجيه ولا لقيت اللي حياه يثور

وضعت بدوحتي مدري غديت بدوحشة الوادي

أغيب ارتب احساسى وادور للقصيد حضور

وأجي هاك البسيط / المستهيد / المزعج / الهادي

لك الله من ثلاث شهور وأكثر من ثلاث شهور

وأنا كني غريب وغربتي في حضرة بلادي

وداعاً للدروب المتعبه والخاطر المكسور

وداعاً للحنين اللي يغيب فوجهه رقادي

توطنت الغياب عن الحضور ونوره المنشور

لذا سجيترجلي بالظلام وبعلمن بعادي

أنا العادي مابين المترفين ونظرة المغرور

وأنا المغرور مابين البسيط وهقوة العادي

سكوتي ميزتي وأبسط عيوبي حظي المعثور

وخصمي دمة تفضح شعوري لحظة أعيادي

كفاني إني رحلت ولا رحلت الشاعر المغمور

عشان أرجع مثل ما لازم أرجع لحظة إيجادي

عبدالله فليج